




ԾԱՂԿԱՔԱՂ ՇԱՐԱԿԱՆՈՑԻՑ

ՅԱՐԵԻԵԼԻՑ

ԵՐԳ ԱՐԵՒԱԳԱԼԻ

Յարեյից մինչ ի մուտս,
ի հիւսիսոյ և ի հարաւոյ,
Ամենայն ազգ և ազիհէ,
Յօրհնութիւն նոր օրհնեցէ՛ք գԱրարիչն արարածոց,
Որ ծագեաց զլոյս արեգականն այսօր յաշխարհս:

Եկեղեցիք արդարոց,
Փառաբանիչք ամենասուրբ Երրորդութեանն,
Յառաւուս լուսոյ, գառաւուս խաղաղութեան
Քրիստոս գովեցէ՛ք ընդ Հօր և Հոգւոյն,
Որ ծագեաց զլոյս գիտութեանն իւրոյ ի մեզ:

Լ Ո Յ Ս

ԵՐԳ ԶԿՆԻ «ԱՍՏՈՒԱՄ, ԱՍՏՈՒԱՄ ԻՄ» ՍԱՂՄՈՍԻՆ

Լոյս, արարիչ լուսոյ, առաջին լոյս,
Բնակեալդ ի լոյս յանմատոյց, Հայր երկնաւոր,
Ի դասուց լուսեղինացն օրհնեալ:
Ի ծագել լուսոյ առաւուտուս,
Մագեա՛ ի հոգիս մեր զլոյս քո իմանալի:

Լոյս, ի լուսոյ ծագումն, արեգակն արդար,
Աննառ ծնունդ Հօր Որդի,
Յառաջ քան զարեւ անուն քո գովեալ ընդ Հօր,
Ի ծագել լուսոյ առաւուտուս,
Մագեա՛ ի հոգիս մեր զլոյս քո իմանալի:

Լոյս, ի Հօրէ բղխումն, աղբիւր բարութեան,
Հոգիդ Սուրբ Աստուծոյ,
Մանկունք Եկեղեցւոյ ընդ հրեշտակս զեզ բարեբանեն,
Ի ծագել լուսոյ առաւուտուս,
Մագեա՛ ի հոգիս մեր զլոյս քո իմանալի:

Լոյս, երբեակ և մի անբաժանելի Սուրբ Երրորդութիւն,
Զեզ ընդ երկնայնոցն
Երկրածիմնս միշտ փառաւորեմք.
Ի ծագել լուսոյ առաւուտուս,
Մագեա՛ ի հոգիս մեր զլոյս քո իմանալի: